

Bosna i Hercegovina
Federacija Bosne i Hercegovine
KANTON SARAJEVO
OPĆINA HADŽIĆI
-Općinski načelnik-
Služba kabineta Općinskog načelnika



Broj: 11-04-2-290-1/24
Hadžići, 09.01.2024. godine

Postupajući u skladu sa članom 7. i 8. Zakona o ministarskim, vladinim i drugim imenovanjima Federacije BiH („Službene novine F BiH“ broj: 34/03 i 65/13) a na osnovu člana 38. Statuta Općine Hadžići („Službene novine Kantona Sarajevo“ broj: 15/09, 17/12, 10/13, 14/13-ispravka, 11/18 i 1/20) Općinski načelnik putem Službe kabineta Općinskog načelnika, o b j a v l j u j e :

JAVNI OGLAS

za izbor i imenovanje predsjednika i članova Upravnog i Nadzornog odbora JU Kulturno-sportski i rekreacioni centar Hadžići

Objavljuje se Javni oglas za izbor i imenovanje predsjednika i članova Upravnog i Nadzornog odbora JU Kulturno-sportski i rekreacioni centar Hadžići i to:

I UPRAVNI ODBOR

- predsjednik iz reda predstavnika Osnivača..... 1
- član iz reda predstavnika Osnivača.....1
- član iz reda zaposlenika JU KSIRC Hadžići.....1

II NADZORNI ODBOR

- predsjednik iz reda predstavnika Osnivača..... 1
- član iz reda predstavnika Osnivača.....1
- član iz reda zaposlenika JU KISRC Hadžići.....1

III OPIS POZICIJA:

- A) Upravni odbor Javne ustanove KSIRC Hadžići: donosi Pravila Javne ustanove uz saglasnost Osnivača, donosi Poslovnik o radu Upravnog odbora, donosi akt o unutrašnjoj organizaciji i sistematizaciji poslova i radnih zadataka uz saglasnost osnivača, donosi druga opća akta, donosi programe i planove rada, donosi finansijski plan, usvaja godišnji obračun, utvrđuje, odnosno učestvuje u utvrđivanju visine određenih naknada, usmjerava, kontroliše i ocjenjuje rad direktora, rješava sva pitanja odnosa sa Osnivačem, podnosi Osnivaču najmanje jednom godišnje Izvještaj o radu Javne ustanove KSIRC Hadžići. Odlučuje o svim pitanjima obavljanja djelatnosti radi koje je Javna ustanova osnovana, odlučuje o prigovoru zaposlenika na odluke i rješenja direktora kojima je odlučeno o pravu, obvezi odgovornosti radnika na odluke i rješenja direktora kojima je odlučeno o pravu, obavezi i odgovornosti radnika iz radnog odnosa, imenuje i razrješava direktora i v.d. direktora uz saglasnost Općinskog načelnika.
- B) Nadzorni odbor Javne ustanove KSIRC Hadžići analizira izvještaje o poslovanju Javne ustanove, obavlja nadzor nad upotrebom sredstava za rad, pregleda godišnji izvještaj o poslovanju i završni račun, pregleda i provjerava urednost i zakonitost vođenja poslovnih knjiga, izvještava Osnivača, Upravni odbor i direktora o rezultatima nadzora.

IV OPĆI USLOVI

Opći uslovi koje kandidat mora ispunjavati:

- a) da je stariji od 18 godina,
- b) da nije otpušten iz državne službe kao rezultat disciplinske mjere na bilo kom nivou u BiH u periodu od 3 godine prije dana objave oglasa, (dokaz potpisana i ovjerena izjava od strane nadležnog općinskog organa koja je u prilogu javnog oglasa)
- c) da nije pod optužnicom Međunarodnog suda za ratne zločine (član IX 1. Ustava Bosne i Hercegovine), (dokaz potpisana i ovjerena izjava od strane nadležnog općinskog organa koja je u prilogu javnog oglasa)

V POSEBNI USLOVI

Posebni uslovi koje kandidat mora ispunjavati:

- a) da je državljanin BiH,
- b) da se protiv istog ne vodi krivični postupak odnosno da nije osuđivan za krivična djela ili privredni prestup koja su nespojiva sa dužnošću u Upravnom/Nadzornom odboru javne ustanove (dokaz uvjerenje nadležnog suda),
- c) da nije izabrani zvaničnik, nosilac izvršne funkcije ili savjetnik u smislu Zakona o sukobu interesa u institucijama vlasti FBiH, Službene novine FBiH broj 70/08 (dokaz potpisana i ovjerena izjava od strane nadležnog općinskog organa koja je u prilogu javnog oglasa)
- d) da ne obavlja ni jednu javnu funkciju u smislu člana 2. tačka c) i člana 5. Zakona o prevenciji i suzbijanju korupcije u Kantonu Sarajevo (Sl. novine Kantona Sarajevo br. 35/22, 44/22-ispravka i 52/22-ispravka), (dokaz potpisana i ovjerena izjava od strane nadležnog općinskog organa koja je u prilogu javnog oglasa)
- e) **za predsjednika** -VSS, VII stepen stručne spreme, ili diploma visokog obrazovanje prvog ciklusa Bolonjskog sistema studiranja (180/240 ECTS bodova)
- f) **za člana**- da ima minimalno završen IV stepen stručne spreme
- g) za sve pozicije najmanje 2 godine radnog staža u struci ili iskustva poslije sticanja diplome,
- h) da nije član upravnog, izvršnog ili drugog organa političke stranke (dokaz potpisana i ovjerena izjava od strane nadležnog općinskog organa koja je u prilogu javnog oglasa)
- i) da nije na poziciji direktora u Ustanovi (dokaz potpisana i ovjerena izjava od strane nadležnog općinskog organa koja je u prilogu Javnog oglasa)
- j) da nije član upravnog ili nadzornog odbora u više od jednog reguliranog organa (dokaz potpisana i ovjerena izjava od strane nadležnog općinskog organa koja je u prilogu javnog oglasa)
- k) da nema privatni finansijski interes u Ustanovi (dokaz potpisana i ovjerena izjava od strane nadležnog općinskog organa koja je u prilogu javnog oglasa)
- l) nije osuđivan za prekršaj koji je nespojiv sa obavljanjem dužnosti predsjednika i člana Upravnog/ Nadzornog odbora javne ustanove (dokaz uvjerenje MUP-a)

VI MANDAT

Predsjednik i članovi Upravnog i Nadzornog odbora Javne ustanove imenuju se na period od 4 (četiri) godine i mogu biti ponovno izabrani.

VII POTREBNI DOKUMENTI

Kandidati su dužni dostaviti:

- a) popunjen prijavni obrazac koji treba da sadrži oznaku pozicije na koju se prijavljuje
- b) kraću biografiju,
- c) dokaz o školskoj spremi,
- d) dokaz o radnom stažu/ iskustvu u struci,
- e) uvjerenje o državljanstvu (ne starije od 6 mjeseci),
- f) izvod iz matične knjige rođenih
- g) ovjerena izjava-saglasnost za obradu ličnih podataka
- h) **ovjerena izjava** o ispunjavanju Općih uslova iz tački b) i c) i Posebnih uslova iz tačaka b), c), d), h), i), j), k) i l) javnog oglasa.

Dokumenti koji se prilažu uz prijavu na javni oglas moraju biti u originalu ili u ovjerenoj fotokopiji.

Dokaz da se protiv istog ne vodi krivični postupak odnosno da nije osuđivan za krivična djela ili privredni prestup koja su nespojiva sa dužnošću u upravnim organima javne ustanove, iz tačke b). „Posebnih uslova za imenovanje“, kao i dokaz da nije osuđivan za prekršaj koji je nespojiv sa obavljanjem dužnosti predsjednika i člana Upravnog/ Nadzornog odbora javne ustanove iz tačke l) „Posebnih uslova za imenovanje“ regulirani organ će zatražiti od kandidata koji budu predloženi za konačno imenovanje i isti ne smiju biti stariji od datuma objavljivanja javnog oglasa.

VIII OSTALE NAPOMENE

Javni oglas će se objaviti u „Službenim novinama Federacije BiH“, dnevnom listu „Oslobođenje“, na službenoj web stranici Općine Hadžići www.hadzici.ba i Oglasnoj ploči Općine Hadžići.

Rok za podnošenje prijave je 15 dana, a računa se od datuma posljednje objave javnog oglasa

Prijave sa dokumentacijom mogu se dostaviti lično na protokol Općine Hadžići ili preporučeno poštom, u zatvorenoj kovrti, na adresu:

*Općina Hadžići- Služba kabineta Općinskog načelnika, ulica Hadželi 114, Hadžići, 71240 Hadžići
s naznakom: Prijava na javni oglas za izbor i imenovanje predsjednika i članova Upravnog i
Nadzornog odbora JU KSIRC Hadžići „NE OTVARATI“*

Komisija za izbor predsjednika i članova Upravnog i Nadzornog odbora JU KSIRC Hadžići će uz poštovanje principa utvrđenih zakonom, a na osnovu kriterija za ocjenjivanje i izbor kandidata, sastaviti listu sa užim izborom kandidata. Svi kandidati na listi sa užim izborom bit će pozvani na intervju.

Nakon obavljenog intervjua Komisija će predložiti rang listu najboljih kandidata i prosljediti je Općinskom načelniku na konačno imenovanje.

Bilo koji kandidat ili zainteresirana stranka može podnijeti prigovor na konačno imenovanje, ako raspolaže dokazima da u postupku imenovanja nisu ispoštovani principi utvrđeni zakonom.

Prigovor na konačno imenovanje se podnosi Općinskom načelniku, a kopija se dostavlja Ombudsmenu za ljudska prava u BiH.

Neblagovremene i nepotpune prijave se neće uzeti u razmatranje.

Općinski načelnik

Hamdo Ejubović, dipl.maš.ing.

